



MARA EVANGELICAL CHURCH

VACHHUH

MONTHLY NEWSLETTER



Volume 27

Monthly Newsletters

September 1/2020

Editorial

2020 September apahrâna chhithana bu he “Zisu leita hro he khâpa hraoleipa a châ”, tahpa Rev. Victor Ve U (MEC Moderator) pachhuahpanohpa a châ. A chhôn biezy liata eima vaw sypahmaoh nata hmatao theina ahneipa ngiapâtuha châ awpa he a châ chai. MEC ngiapâna khîh tlyna kyh eima vaw laichadai tita chhâ (3) eima kaw pha haw. (1) ngiapâna ta varâ kiah awpa, (2) Ngiapâna ta alyna hmô awpa (3) ngiapâna ta pachha cha awpa tahpa he a vâtlahpa ta reitheipa a châ. Atakô liata Apahrâna bu deikua cha “ngiapâna ta hmotaothei awpa” tahpa chhâpalihna lâta kaw kiasâh awpa he a chhuah chai. He vâta ngiapâna ta hmotaotheiina a vaw to hawpazy thâti hluhpi he chhithana châbu liata eima vaw pahlaopa a châ. Hmotaotheiina he ngiapâna châ leipa ta ngiapâna cha hmo a tao thei tahpa a châ. Chavâta Zisu Krista leipa ta hro he khâpa hrao leipa a châ tahpa he Awnanopa lâ liata thâti hpa eima vaw rei papuana a châ. Philipi 4:13 “Thah na patlôtuha liana chata ato ei tao thei” tahpa bie kha Zisu leita hro he khâpa hrao leipa a châ tahpa lâ tawhta eima vaw rei papuana a châ. Covid-19 lia a châpa chhao Sawkhka dâh a chapiah leipa ta mopakha nata Local chyuta September thla apahrâna daihti he a vaw hmâh pha chyuh muh vy.

GS Quarter nata MMM Hostel a ngoh haw

Lailenpi MEC Headquarter, GS quarter (40 x 41 sq/fts) nata MMM Chapaw areina (Boys’ hostel) (20x100 sq/fts) zy cha hlaotloh kawpa ta pangohpa a châ haw. He o miano to he Mc. Heko ta kuzo pha kawpa ta asâpa a châ. He GS quarter nata Chapaw Hostel zy cha pahyna alyna thlachhana he Lailenpi liata a ypa Awnano nôpawzy hruapa ta August 29, 2020 noh ta taopa a châ. Cha thlachhana liata Moderator parohpa Rev. Sachhei zy, Rev. Haidau zy, Rev. Satu Ve U zy hruapa a châ. Moderator Rev. Victor Ve U ta sermon pha kawpa reina hnei ta, Vao sô 5pa ta zâpati dôh khohna chhao hneipa a châ.



GS Quarter, Lailenpi



MMM Chapaw Hostel

Maraland Morning Moon Private High School Thâti h

2019 – 2020 kô liata MMM tawhta a ezah theipa (96) châ ei ta (21) cha Abeipa ngiachhiena vâta ama vaw pass thei. A pass-pazy palyupalina cha Lailenpi liata Awnanopa nôpawzy, board memberzy nata sawkha department utheizy hruapa ta RYUCHÂ nata Distinctionzy lyma piena cha Rev. Teitu hall liata August 21/2020 noh ta hneipa a châ.

2019 – 2020 kô liata MMM tawhta apasspazy moh

No	Moh	Khîh	Distinction
1	Ls. Rose Pawngia	Lailenpi	
2	Ls. Ngothekhai	Lailenpi	
3	St. Bie Nay Aung	Lailenpi	
4	Ls. Sorili	Lailenpi	
5	Ls. Shwe Shin Tun	Lailenpi	

6	St. Lauthieh	Lailenpi	History
7	St. Khichhe	Lailente	Geo. & His.
8	Ls Saimai	Lailente	
9	Ls. Nei Hlakhai	Lailente	
10	St. Ngun Sang Aung	Sabawngpi	
11	St. Vahmosa	Sabawngpi	History
12	Ls. Ngolista	Sabawngpi	
13	St. Bie Zawzi	Sabawngpi	
14	Ls. Ngô Di	Sabawngpi	History
15	Ls. Kheizi	Sabawngpi	
16	St. San Mg	Marahla	
17	Ls. San San Tin	Marahla	History
18	St. Bie zale	Peite	History
19	Ls. Su Su	Pasai	
20	Ls. Neithlie	Lovaitla	
21	Ls. Nei Chhi Oo	Aru	

hlaotloh ei ta distinction ahmôpa mo (6) ama châ. La-ao khiih tawhta kô -19 chhoh pyhraw hlaotloh khao lei kha eita, atakô liata, Lialaipi HHM tawhta nata Matupi tawhta zydua mo 2 ama passed vâta aly ngâsâ eita, ama biatuhpazy hruapa ta alyna kyhchhi a khihpi ta taopa a châ.

Sikul hawtazy raihli chhao ola ama di chy.

Covid-19 potlana tily hawhta eima Myanmar râh lia a chatlao heihpa vâta sawhkhâ tawhta August 27/ 2020 liata School zydua khaw khaipa ta bie a phua. Pyhraw achupa eima sawzy châta cha, Ezana hnôh chaipa daihti a hnia haw. Atakô pyhraw hlaotlohpazy ama hluhpa vâta ama thâpaw ngâsâna daihti liata sikul khawpa ta o chy ta a di awpa a châ vâta thokha mothli chhaoa ama di hôlô.

Lialaipi liazy cha Pyhraw achupa 500 rachhoh y eita khiih la ama sie khai haw vâta khiih chhao ziazie rô dei pahnâh haw ta eima sawzy châ ama chuna rei pyu chhao thei khao ma pi.

Taubu nata Lialaita likaw Lâki hleidy

Mara râh nata Matu râh siepahliena lapi Taubu nata Lialaita likaw Laki chavah liata Hleidy cha athiehp pangoh hawpa a châ. Sievaw rairuna zydua tawhta tahma cha khodâh hawhta sie thei nawpa hleidy pha kawpa feet 170 a seihpa nata feet 4 a kawpa a châ. 2015 kô liata MP Ngun San Aung ta thuari miah pie ta khisawzy tiama hriapasana vâta hleidy cha June 11/2020 tawhta pathaopa ta June 26/2020 liata pangoh theipa a châ haw, kaoto ta miah baotuhpazy nata thlah mia chhâkheipa zydua hnohta eima cha ly kaw. Khazohpa ta eima chô liata hmo rôhna miah pie.

Mc. Bauhlau, Taubu



(2019-2020 liata Pyhrawh a passedpa thokhazy)

MMM sikul cha 2020- 2021 achuna kô châta July 21, 2020 noh ta pahypa châ taraw ta, Covid -19 hriiah vâta sawhkhâ order hawhta August 27/2020 noh khaw hawpa a châ. Sawkha tawhta pahyna bie a phuah heih tita pahy awpa châ aw ta, cha tita thâthih eima cha pahnosa aw.

David Heichha
Principal

Achuna kyh liata byhnâ eima to hmeiseih

Mara sawzy achuna kyh liata tha ta eima hma a sie via. 2019- 2020 kô achuna kô liata chhao pyhraw Eza pa eima hluh hmeiseih heih. A pass theipa maluh cha 267 a cha. 2018 - 2019 kô hlâta a pass theipa maluh (44) hluh viapa ta eima vaw kia via lyma. Distinction ahmôpa mo 56 ama châ; Distinction sâ pangaw, sâpalih, sâtho, sâno nata sâkha ahmôpa ama hluh ngâsâ. Mara râh chhoh lia a ypa Ezana centre, Lialaipi nata Sabyh liata chhao ama passed pha kaw.

- Sabyh High Sikul Ezana centre liata mo 16 hlaotloh eita cha liata distinction ahmôpa mo 9 ama y hra. MEC Sikul COME tawhta mo 21



Lâki Hleidy

TPA – SDTC Training Program

SDD-TPA ta chhithapa ta Aug 24/2020 liata Alei pahâhpa taona dâh cha Mc. Zaolie ta pachu ta, Sayama Ngômi nata Sayama Tlaize zy ta Nawh ahneipa nata Hawti mohônazy nata Niedo vitamin ahneipa niedo kyh he training piepa a châ. A kia theipa (19) zydua ta thata ama thokhei hmeisei.

1. September 21-24/2020 nohzy liata Chicheina nata Aleipahâhpa taona training a y aw.
2. Nutrition training ei (5) na, Septermber 7/2020 my 9:00 am-2: 00pm liata mo pa (20), chanô, nawh ahneipazy kiah theipa a châ aw.
A su ; SDTC – TPA a châ aw

Remark

- Moh pangia tuapa maih lapa châ awta mopa (20) dei a cha aw
- Azaona phone –09773622051 (Director)

LTC sôh August thla liata a ngiahpazy

1. Immanuel (Sabyhpi)	- 91,900
2. Sabawngpi	- 217,500
3. Pintia (New)	- 56,200
4. Sapaw	- 86,600
5. Pintia	- 25,000
6. Mala B	- 64,000
7. Dawlei	- 187,550
8. Sabyh	- 183,800
9. Elda	- 50,100
10. Mala	- 68,000
11. Hakha	- 308,100
12. Malaysia	- 100,000
13. Yangon	- 154,100
14. Matupi	- 200,000
15. Singapore	- 100,000
16. Tisi (V)	- 82,700
17. Tisi	- 31,500
18. Taula	- 113,000
19. Heimata	- 90,000
20. Heimapi	- 44,700
21. Tlopi	- 35,800
22. Parah	- 80,000
23. Peite	- 43,000
24. Chôpathei	- 43,000
25. Patheitla	- 222,300
26. Bakala	- 41,300
27. Taubu (N)	- 25,000
28. Lovai	- 50,050
29. Satu New	- 100,000
30. Satungephe	- 41,300
31. Pasai	- 83,700
32. Chali	- 82,850
33. Pamai	- 65,500
34. Rari	- 103,600
35. Raka	- 72,100
36. Ralie	- 68,200

Thlahchha ahawna

Keimo Taubu New cha odyh 13, maluh 74 ta khi asapa eima châ. Lialaita nata eima likaw sie vaw rairu kawpa a cha vâta 2020 tawhta keimo private ta JCB zy a hlâh lymapa ta motor sie nawpa lapi eima chhia hai. Km 6 ahlapa châ ta tahma he Km 2 dei patlô haipa a cha. Phusa he tei 20,000,000/- a chhâ awpa a châpa vâta eima hlao a tloh thei nawpa ta thlahchha eima cha haw.

Mc. Laiki, Taubu New

Râh KNP thlahchha paraona

MEC/ASS-180/2020 bie pathluhpa haw Râh KNP ta (noh kha) thlahchha paraona cha October 10/2020 (Sat) noh liata hmakhai awpa a châ aw. Thlahchhana bie tlâh cha “**Na aw la ei cha chhy aw**” Zer. 33: 3 a cha aw.

Pastor a chuhaipazy châta Thlahchha awpa

2020 Assembly bie hawhta atakô liata Biehraia achu pa (2) eima hnei chha via, a zydua pa (5) ama cha.

1. Rev. Phuhe (M.Th II Yr, Mission), LTS, Hong Kong
2. Pastor Rose Mary (M.Th I yr, Church History), LTS, Hong Kong.
3. Pro. P. Ngôbeichhua (BD III Yr, ETC, Jorhat, India.
4. St. Vabietha cha (B.D I Yr) ETC, Jorhat, India (Yangon tawhta Online class)
5. Rev. Biekhai- M.Th final year (MIT, Yangon)

Myanmar Election châta thlahchhana

November 8, 2020 liata tao awpa Myanmar Election liata Party (4) tawhta Marasaw mo (10) Candidate hmo eita cha hleikhô ta Dr. Sasa nata Dr. Ngochole zy chhao he ama châna nata akaphu leipa ta, Myanmar thâtih buzy liata a vaw y awpa Myanmar sawhkha lia râchhihtuypa a châ awpazy tahpa taihta thâtihzy a vaw luah. He vâta Lialaipi khih liata August 23, 2020 Khazohpa noh liata Pastorzy chhi thapa ta Local Standing memberzy nata Local chyu ta thlahchhana hneipa chata zâla dawh 7:00-8:00 liata Macha bia chyu ta thlahchhana hneipa a châ. Thlahpa nôpaw ngachhih viapazy nata Local thokhazy chhao ahawna taopa a châ. Eima thlahchha chaina cha, “Khazohpa khothpa ataopa politician” he Khazohpa ta miah vaw pie bei mawh sy! tahpa a châ.

August thla chhō miah a vaw paha saipazy;

1. Pupa Neichō (Si E paw) kō (62) Sabawngpi cha varōpi chieleipa ta vaw yta, August 4/2020 noh liata miah a paha sai haw. Sanawh rino nata khih nopâ hluhpi chhao ri ama vaw kia.
2. Pupa Vachhua (Evan. Khiko sawchapawpa) he noh hluhpi chieleipa ta vaw yta, August 5/2020 noh liata miah a vaw paha sai haw.
3. Rev. Christopher Beilua kō (64, Yangon khih liata chakaona rai a hria ngahaipa cha nohluhpi chhōh chieleipa ta yta August 6/2020 noh liata miah a vaw paha sai haw.
4. Pihnō Ngunding (Machâ Tothau lapino) Leika cha, noh hluhpi chhōh chieleipa ta chhōhkha sanaw (7)zy hnochhyta ta August 24/2020 liata miah a vaw paha sai haw.
5. Pupa Beilua (Zunisi paw) Ngephepi cha, August 24/2020 Motor bike haoh achuna liata ahai hawta, Hakha thohna o ngai kheieita, thohna o tlō hmâ leita lâthlōh liata a vaw paha haw. Ari he khih la za sie kheieita, khih liata Awnanopazy ta arōhna ngasapa ta thlah ama palōh.
6. Pihnō Retlo nô (Khaikō mano) Sabyh cha achha apalōhpa ta August 26/2020 noh liata chhāzaw rāh la miah â pai sai haw ataotuhpa Khazohpa la miah a siesai haw.
7. Pu. Khailing (Saina paw) kō 86) Leika cha 29.8.2020 noh liata achhōhkha sawnawhzy hnoh chhyta ta chhazaw khina rāh lâ miah siesai haw.

Covid-19 Avaih pha lyma suh vy

Myanmar rāh liata Covid-19 hriiah he einona tily hawhta a sie haipa a chā. Eikhana hlāta chatlie via ta, chyhsa hluhpi chhao ama pakia via haw. Rakhine rāh Sittwe liata August 16, 2020 tawhta atlāh leipa pakha hmō eita, cha chyhsa tawhta atahma he mo 683 ama pakia hmā haw. Atanoh September 3, 2020 taih ta Myanmar rāh liata hriiah aveihpa 1058 pha eita, atlahpa 359 pha eita, a thipa mo 6 ama chā.

Keimo Mara rāh cha India nata Bangladesh nata Rakhine rāh ahniapa eima chāpa vāta eima rāh liata hriiah maniah chahryh pathlei lei nawpa ta a vai pha awpa peimawh chaina daihti eima tlō haw. Chavāta sawhkhā ta Covid-19 avaina dāh ahneipa a chapia lei awpa ta Marasaw zydua maophaona hnei pita, eima rāh nata chipho pabohsa awpa ta tovyuh eima hnei chy. Covid-19 avaina dāh pahno awpa thokhazy chā:

1. Chyhsa mo 29 hlāta hluh via a pahmao lei awpa
2. Khei hawhpa program liata zy pakha nata pakha feet 6 ahlapa ta y awpa
3. Khō pua tita ahyrai hmaopaky (Mask) a paky khai awpa.

4. Office, Achhyna o, nata o to liata ku asina ti nata sāhbaw so khai awpa
5. Ku a si leipa ta o tlyma, achhyna o tlyma, Office tlyma liata angia lei awpa
6. Pakha nata pakha ku a patupa ta chibaih a bu lei awpa
7. Peimawh hmeiseih (thina nata hro tlyma) a chā leipa liata khikha nata khikha a sie pahlie mah khao lei awpa.
8. Khitly khohpa maih ta Village Administrator pahnokheina a la cheingei awpa
9. Khi to liata VCPC tlyma Administration tlyma ryhraona zy zi thei achhuah awpa.
10. Eima rāh liata Covid-19 hriiah a vaw ngia pathlei lei nawpa ta thlachhana hnei tyh awpa

Doctorzy ta Covid-19 kyh nata azaopa ta ama reipazy

1. Atahma hlāta Myanmar rāh liata a sie haipa Covid-19 he Wungha tawhta Covid-19 hriiah chi tawhta a puapachhuahpa a chāpa chhao, hriiah athatlōna nai via (chyh via) tah theipa chā vei.
2. Covid-19 he pachao miakha dei parao leipa ta, thisai siena liata a tlo ta y thei ta, lathli, palōh, lōpo zy chhao a pabua theipa a chā. Daihti seihipi taih a tlāh thei mah leipa y chy ei ta, hriiah hropa chhao a khāchhā thei hra.
3. Thisai thatlōna vāta Covid-19 kia thei vei tahpa y mah leipa ta, a pakhana thohna deita a y khiah a kia thei lei awpa a chā.
4. Taka phusa tawhta Covid-19 a kia thei ma? tahpa hiahrina he atanoh taih ta taka phusa tawhta Covid-19 a kiapa pahno hmeiseih mah veih ei.
5. Ku asiena (Handsanitizer) chalei tita Methanol ahlaopa cha hriiah tawhta maniah pakhā thei hmeiseih vei. Hand sanitizer na hmā khai tawhta tissue ta ahru kha, ano hi ta pahisa ma y
6. Mask he thohna o liata hriatuhpazy ta N95 he hma awpa chā ta, zawpizy ta surgical mask he hma aw-pa a chā. Chhōhkha liata mask zokhapa he ahly thaipa chā lei awta, Face shield miakha deita hriiah pakha thei leipa ta, mask chhao a paky tyh awpa a pha.
7. Hriiah a pakhana thohna (Vaccine) he WHO ta a pahnokheipa thohna y mah vei. Atao theipazy ta ama rāh chyhsa hluhpi ama hmākhai tawhta rāh hropa hmapasaipa a chā tyh.
8. Covid-19 hriiah veih ta atlāh hawpazy cha Covid-19 hri ama veih pakhua thei tahpa WHO ta phuah vei hra sala, atanoh ta mo 4 he hri a veih pakhuapa ama y.

Credit Sayar Kyaw Swar Htet